

محراب

افہرقی ، اجتماعی ، فلسفی ، تاریخی ، ادبی مجموعہ در
شیمدیلک اون بش کوندہ نشر اولنور

مذہبات

- سرور . **جبلہ بنی جبہ** محمد امین **علیہ السلام**
 قازیمیریسکینک فرانسزجہ قرآن ترجمہ سندہ کی قرق قدر یا کلشارک تصحیحی . . . محمد حبیل **علیہ السلام**
 ترجمہ لر حقندہ ایضاحات ربیعہ **علیہ السلام**
 علم دشمنلخی حسن عالی **علیہ السلام**
 اورتا آسیادہ تورکمن « تورکمنلرک دینی » علمی ضیاء **علیہ السلام**
 حی بن یقظان « ابن طفیل » ربیعہ **علیہ السلام**
 سراب : قدریہ حسین — شرقی : ملیحہ نوری — معبد عشق : محی الدین رائف — سیرال **علیہ السلام**
 طاہر حریمی — لیلانک ایزلرندہ : شرف کاظم — تہلکہ : مراد توفیق — کیرہ سوندہ شایان **علیہ السلام**
 امتثال بر فعالیت .

حی بن یقظان

۳

اشبو تأمل وملاحظه واسطه سیله نباتات و حیوانات آره سنده ؛ بینلرنده مشترک بر امر واحدن نشأت ایدن بروحدت وار اولدینی آکلادی واوشی واحد حیواناتده حد کمالی بولمش اولدینی حالده نباتاتده حد کماله واصل اولماسنه مانع اولاجق احوال موجودایدی موانعدن صرف نظر آرالرنده امر مشترک اولدینی آکلاشیلوردی . بواصر مشترکی قسماً دونمش و قسماً سیال اولان بر صویه بکزه تیور وملاحظه سیله نظرنده حیواناتله نباتات شی واحد اولیوردی .

اوندنصکره طاش ؛ طوپراق ؛ صو ؛ هوا آتش علوی کی حسدن ؛ تغدیدن نمادن عاری اولان جسملره توجیه نظر ایدردی هپسنگ ؛ اوزونلق ؛ اکلک ؛ درینلکی جامع جسم اولدقلمی وبرلرندن آنجق کیمیسنگ رنکلی ؛ کیمیسنگ رنکسز ؛ کیمیسنگ صیجاق ؛ کیمیسنگ صوغوق اولق کی شیرده ایرلدقلمی کوروردی وصیجاق اولانلرینک صوغودقلمی ؛ صوغوق اولانلرینک ایصدقلمی صویک بخاره ؛ بخارک صویه تحول ایتدیکنی ویانان شیرک قور ؛ کول ؛ علو ؛ دومان اولدقلمی ودومانک ؛ یوکسلدیگنده برقبیه ، برطاغه تصادف ایتدیکی زمان سائر اشیای ارضیه کی برشیئه تحول ایتدیکنی کوروردی بودوشونجه ایله نظرنده بونلرک هپسنگ برشی اولدینی تظاهر ایدردی اشبو اجسام جامدهیه عارض اولان کثرت ، حیواناته نباتاته طارض اولان کثرت کیدر دییوردی .

بوندنصکره حیواناتله نباتاتک ایکیسنگ شی واحد اولسنه سبب اولان امر مشترکه نظر ایتدی اونلرکده اجسام جامده کی کنیش ، درین ، اوزون جسملردن عبارت اولدقلمی کوروردی واشبو اجسام دخی اجسام جامده کی کیمیس صیجاق ، کیمیس صوغوق اولقله برابر اونلردن آنجق ؛ آلات حیوانیه و نباتیه ایله ظهور ایدن افعال واسطه سیله آریلورلردی . بوافعالک حیوان و نبات ایچون ذاتی اولماسی ؛ وبشقه شیدن سرایت ایتسی واجسام جامدهیه سرایتی تقدیرنده انلردخی حس و غداده حیوانات و نباتات کی اولسی ممکن اوله بیلیردی ایشه بواحتماله بناء ؛ ایلك نظرده کندوسندن صادر اولدینی

بللی اولان اشبو افعالدن مجرد ایدرک حیوان و نباتی نظر تدقیقندن کچیریر و اونلری اشبو
 اجسامدن برر نوع اولمقدن بشقه برشی اولمقدنلرینی کوروردی اشبو نظر واسطه سیله بوتون
 جسملرک، ذی حیات جامد، متحرک ساکن هپسنگ برشی اولدینی نظرندنه ثابت اولدی
 انجق برطاقم الات واسطه سیله بعضلرندنه برطاقم افعالك ظهور ایتدیکنی کوروردی و او
 افعال، اشبو اجسامک ذاتیاتندمی در و یاخود او اجسامه بشقه اسبابندمی سرایت ایتشدیر ؟
 اوراسنی کشف ایدنه مزدی شو صروده اجسامدن بشقه برشی کورمزدی و اشبو طریق
 نظر واسطه سیله کافه اشایی بوتون موجوداتی شی واحد بیلیردی ناصل که برنجی طریق
 نظر واسطه سیله موجوداتده حدسز پایانسز برکثرت کورسیوردی بویکی اصولک چارپدشمه
 سندن برمدت تردد ایچنده قالدی ارندن صو کره بعضا وحید بعضا کثیر کوردیکی اجسامک
 کافه سنی، جانلیسنی، جانسیزینی نظر تدقیق و تأملندن کچیردی هر برینی ایکی حالک بریسندن
 خالی کورمدی یا دومان، آتش علوی، صو آلتنده بولنان هوا کی جهت علوی به طوغری
 و یاخود صو، اجزاء ارضیه، نباتیه، حیوانیه کی جهت اسفله طوغری متحرک اولدینی
 و هیچ بر جسمک ؛ اوکنه بر مانع حیولات ایتدیکی تقدیرده اشبو ایکی نوع حرکت طبعیه دن
 خالی و اونک ایچون سکون قابل اولامایه جننی کوردی . نته نیم یوقاریدن نزول ایدن بر
 طاش یریوزینه واصل اولنجه یرسرت اولدینی ایچون یری دلمسی ممکن اولماز دوشدیکی
 یرده قالیر طورور واکر یری دلمسی قابل اولسه ایدی حرکتنده دوام ایدردی اونک
 ایچوندرکه طاشی یردن قالدیردیغک زمان جهت سفله میلی و نزوله طالب اولسی واسطه سیله
 اوستکده طاشک آغیرلغنی حس ایدرسک . دومان دخی یوقاری طوغری صعود ایتدیکی
 زمان یوکسلمکدن اونی منع ایدنه جک سرت برقبه راست کلدکجه یوکسلمکده دوام ایدر بر
 قبه راست کلدیکی تقدیرده صاغه صوله دوزر قبه دن قوز تولدیمی ینه هوایی دلز یوقاری به
 طوغری یوکسلمکه باشلار زیرا هوا دومان یوکسلمکدن منع ایدنه مزکذا هوا ایله بر طولوم
 شیشیرلکدن و آغری صیقیجه باغلاندقندن صو کرا صو ایچنه طالدریلیرسه یوقاری به طوغری
 یوکسلیر و صو آلتنده اونی طومغه تشبث ایدن کیمسه بی زورلا هوا به تماس ایدن صو
 سطحنه چیقنجهیه قدر احوال دوام ایدر صو اوستنه چیقدقندن صو کره سکون بولور جهت
 علوه یوکسلمک و طوتانه اغیرلق و یرمک کی جالری قالماز اشبو ایکی درلو حرکتدن و یا
 بریسنه میل ایتمکدن بر دقیقه بیله حالی قالماسی ممکن اولان بر جسم بولا بیلیمک ایچون
 دوشوندی ایسه ده اووقته قدر تفحص ایلدیکی جسملر میاننده بویله بر جسم بولامادی .

بویله بر جسمی ارامقندن مقصدی ، منشأ تکثر اولان اوصافدن مجرد اوله رق طبیعت جسمیه یی یوقلامق ایدی بویله بر جسم بولمقندن عاجز قالججه واک آز اوصافی حامل اولان جسملره دخی اجاله نظر دقت ایتدیکنده اولنری دخی خفت و ثقلت تعبیر اولنان اشبو ایکی وصفدن خالی اولدقلرینی کورنجه اشبو ایکی وصفک جسم ایچون ثابت اولمسی صرف جسم اولمق حیثیتندمی یوقسه جسمیتدن بشقه جسمیده موجود اولان زائد بر معنادمی نشأت ایلدیکنی تدقیق و تفحص ایتکه باشلادی . تحریات نتیجه سنده بو وصفلرک بر امر زائددن نشأت ایلدیکی ظاهر اولدی زیرا اکر صرف جسم اولمق ؛ او ایکی وصفک جسم عارض اولمالرینه کافی کلسیدی هر جسمک هم ثقیل هم خفیف اولمسی لازم کلیدی حالبوکه خفیف ایله ثقیلک ایکیسی جسم اولدقلری حالده خفیفی دائماً خفیف و میل طبعیله جهت علوه مائل ، و ثقیلی ثقیل و جهت سفله میل طبعیله مائل اولدیغنی و هر برینده کندیسنه مخصوص و جسمیت اوزرینه زائد اوله رق آری آری خاصیت موجود اولدیغنی کور ییورز و اشبو خاصیت واسطه سیله خفیف ایله ثقیل آری آری شیلر اولملر در واکر اشبو خاصیت اولمسییدی هر خصوصده برشی اولملری لازم کلیدی .

ایضاح ایدیلن بونظریه دن ، خفیف ایله ثقیلدن هر برینک ایکیشرشیدن ترکیب ایتدیکنی آکلادی . بریسی ؛ ارالرنده مشترک اولان جسمیتدر دیکری ؛ هر برینک دیکرندن اختصاص و امتیازینه سبب اولان و جسمیته مقارنت ایتدیکنده خفیفی جهت علوه تحریک ایدن خفته ، ثقیلی جهت سفله تحریک ایدن ثقلت خاصیتلریدر .

بوصورتله عموم اجسام جامده و نامیه نك جانلی و جانمیزی شو طریق نظردن تدقیق ایلدی کافه سنک جسمیتله جسمیتدن بشقه برر ، ایکیشر زائد معنادن ترکیب ایدن برر حقیقت اولدقلرینی آکلادی و اجسامک صور مختلفه سنی کشف ایلدی صور اجسامی کشف ایلدی عالم روحانیدن ایلک کشف ایده بیلدیکی شیدر چونکه اوصورتلر حسله دکل ، انحق نظر عقلیله ادراک اولنه بیلیرلر و کشف ایده بیلدیکی شیلر میانده قرارگاهی قلب اولان روح حیوانی ده وار ایدی اونک حقیقت و ماهیتک دخی جسمیتله کندوسنه اختصاصی اولوب درلو درلو حسلر ، درلو درلو آکلایشلر ، درلو درلو حرکتلرکی افعال و آثار غریبه یی یاپدیران و جسمیتدن بشقه برشی اولان معنا ایدی ایشته اومعنی روح حیوانینک صورت نوعیه سی و سائر اجسامدن تمیز ایتدیکی فصل تمیزیدر . منطقجیلرک نفس حیوانی دیکلری شی ده روحک اشبو فصلندن عبارتدر . حیوانانده کی روح حیوانی بی سائر اجسامدن تفریق

ايدن بر فصل ممیز اولديغی کبی نباتاتده کی قوه نامیه به مخصوص بر فصل ممیز دخی وارد رکه
فلسوفلر طرفدن نفس نباتی تسمیه اولمشدر حیوان و نباتک ماعداسی بتون عالم کون و
فسادده موجود بالجله اشیاده کی قوا ایچون دخی بر فصل ممیز وارد ر. اوفصل ممیز واسطه
سیله هر برندن کندیلرینه مخصوص اولان شو مشاهده ایلدیکمز حرکات و آثار ظهوره
کیر فلسوفلر نظرنده اوفصول ممیزه به طبیعت نامی ویریلر .

اشبو طریق نظر سایه سنده ، حقیقتی کشف ایچون بوتون غیرتی صرف ابتدکی
روح حیوانینک جسمیتله بشقه برشیدن مرکب اولدیغی، جسمیتک سائر جسملرده دخی
موجود اولدیغی و روح حیوانی به مخصوص اولان انجق اوشی آخر اولدیغی کشفه موفق
اولونجه نظرنده جسمیت معنایی قیمت و اعتباردن ساقط اولدی و هیچ بر اهمیت قالمادی
بوسبیلله اوکا هیچ بر اهمیت ویرمدی فکری ایکنجی جزء اولان نفس حیوانی بی تدقیقه
باغلی قالدی اونک حقیقتنه وقوف پیدا ایتک ایچون کندیسنه برشوق کلدی و بوتون فکری
اوکا حصر ایتکه قراقرطی ویردی .

بابان زاده

- بیتمه دی -

رئیس

کیره سونده مثالبه بر فعالیت

اداره خانه مزه « ایزلر » عنوانیه کیره سونده انتشار ایدن بر مجموعه کلدی . بو مجموعه نک
ویردیکی معلوماته نظراً کیره سونده کنجیلر « بیلکی یوردی » نامی آلتنده وجوده کتیر دکلی
برمؤسسده تدریسات ، نشریات ، ادمان ، موسیقی و سائر شعبه لر کشاد ایتمشلر و مملکتک
محتاج اولدیغی هر شعبه عام و هنر ایچون اساسلی صورتده فعالیتله کچمشلر . هر هفته خلقه محیطی
احتیاجلرینه کوره قونفرانس لر ویریوز و نشر ایتدکاری مجموعه ده طی ، لسانی مصاحبه لر ،
کوزل یازیلرله خلقی تنویر ایدیورلر . کوزل بر مطبعه به مالک اولمق غیرتی ده کوسترمشلر .
بو حرکتی جوق تقدیر ایدرز . آناطولیمزک چالیشقان اهالیسی ایچون بو فعالیتک نمونه اولماسی
و مسعود اولک مزک هر گوشه سنده بویه تشبیلرک جوغلاماسی تمی ایدر و بیلکی یوردی و ایزلر
ایچون خیرلی و دواملی موفقیتلر دیلرز .